



Ntwarante 2022 kirundi
**Ubwo sico gituma umutima wacu
warurumba!** (Luka 24,32)

Kontakt: Meinolf Wacker
Kirchplatz 7
59174 Kamen

Mobil: +49-172-5638432
Mail: meinolf.wacker@googlemail.com
Homepage: www.g04peace.eu

Yaga ivyagushikiye! Share your experience!

Bakunzi ba go4peace,

Vyabaye ibantu vy‘agatangaza. Abakunzi biwe bari bakiriye Yezu, bamwemera nka Mesiya. Kuri bo vyaragaragara ko azobakurako agacinyizo k‘Abaromani. Ariko umwe muri bo, Yuda yaramuguze ku baromani. Ivyo vyari kumuha akaryo - uko niko yiymvira- ko yerekana ububasha bwiwe nka Mesiya, maze akayogezza Abaromani. Ariko noneho biri bube ukundi. Yezu yerekanye ububasha bwiwe mu kutagira ububasha kubw‘urukundo. Yaremeye arabambwa ku musalaba, araheza apfa mu butindi nk‘umumenja. Uko ni ko yerekanye iyo urukundo rushobora gushika. Ruca mu nzira zose, gushika no mu mwijima umuntu adashobora gutegera.

Abagedanyi biwe barajumarariwe. Bati mbega none twakurikiye Nyaringa? Mu maso ya bagenzi babo be n'imiryang yabo, basa n'abatakaje vyose. Muri ako kangaratete nyene niho babiri muri bo bafata akayira bagana i Emmausi. Bagenda barayaga vyose ata kubideha. Ivyo vyarabaha agahengwe. Niho haza umuntu batazi aboma amaguru mu nyuma batazi iyo atututse. Niho yababaza yitonze ivyabaye, hanyuma abaha umuco kuvvo batari batahuye neza. N'i Emmaus yabagumye iruhande. Imitima yabo irarurumba. Mu gufungura niho bahavuye bamenya ko ari Yezu. Yari yabajaye umuco, amahoro, ugutahura be n'akanyamuneza karurumba mu mitima yabo. Ariko ubwo nyene ntibabaye bakimubona. Ubwo rero bari bajijutse : bati iyo nkuru ntitwoyigungana. Muri iryo joro nyene baca barafashako, bahindukira i Jeruzalemu kubiyagira bagenzi babo.

Mbega wewe woba urashikirwa n‘ivyo bintu, aho umutima wawe ururumbamwo akanyamuneza kubera kubera Yezu yagukozeko – haba mu kiyago, haba mu kintu wubuye, haba mu nsiguro wumvise, haba mu vyagushikiye uri kumwe n‘abandi...? Enda fata akanya gatoyi uvyyiyumvire. Ukaba hari umugenzi umwe canke babiri wipfuza ko musangira urugendo uyu mwaka, heza rero ubibayagire. Erega na Toma yarumvise umusi uri izina umutima wiwe ururumba :

, „naragiye kenshi mw‘ikambi ry‘ihwaniro rya go4peace i Sarajevo. Igihe cose twaba turi kumwe tugakorera ibikorwa hamwe, nama numva akanyamuneza kadasanzwe mu mutima, ntahora numva ahandi. Nama numva mpimbawe n‘uko uyundi mwaka ugiye kuza ngo dusubireyo. Mu nyuma niho nagiye kwa Meinolf imisi mikeyi i Kamen. Naramuyagiye invyerekeye ako gahimbare kandurumba mu mutima. Twari twicaye ku ntebe ku kazuba. Meinolf araheza aramfasha gutegera ko ako kanyamuneza ari amakanda ya Yezu ari hagati yacu. Wewe waritanze wese mw‘ikambi twarimwo. Eka n‘abandi mwari kumwe bagize gurtyo nyene. Niho rero Yezu ubwiwe yaduka hagati yacu. Ntidushobora kumubonesha amaso y‘umubiri, ariko urumva amakanda yiwe ko ariho ari mu kanyamuneza, mu mahoro, mu kwihanganira abandi, eka no mu mutima wawe urururmba. Naramutega yompi, gushika aho ntamenye ingene amosozи yadengereye mu maso. Yari amosozи y‘akanyamuneza. Emwe ndazi neza ko na wewe ibisa n‘ivvo bimaze kugushikira.“ **Yaga ivyagushikiye! - Share your experience!**